

Gweinidog yn agor ysgol Gymraeg newydd



Agorwyd ysgol gynradd Gymraeg gyntaf De Sir Benfro'n swyddogol gan Alun Davies AC, Gweinidog y Gymraeg a Dysgu Gydol Oes.

Agorodd Ysgol Hafan y Môr yn Ninbych-y-pysgod ei drysau i ddisgyblion ym mis Medi o ganlyniad i waith ailwampio ac addasu helaeth ar hen ysgol iau Dinbych-y-pysgod.

Mae drws nesaf i Ysgol Gynradd Saesneg WG yr Eglwys yng Nghymru Dinbych-y-pysgod, adeilad newydd a agorodd yr hydref diwethaf hefyd.

Mae'r ddwy ysgol yn cynrychioli buddsoddiad o £8.37 miliwn mewn addysg yn y dref a chawsant eu hadeiladu dan Raglen Ysgolion yr 21ain Ganrif - cydweithrediad rhwng Cyngor Sir Penfro a Llywodraeth Cymru sy'n rhannu'r cymorth ariannol.

Sefydlwyd Ysgol Hafan y Môr mewn ymateb i alw cynyddol am addysg Gymraeg yn y cylch ac mae ynddi le i 210 o ddisgyblion ynghyd â 30 lle meithrin CLIA.

Ar hyn o bryd mae 126 o ddisgyblion ar y gofrestr ac mae'r nifer yn tyfu o dipyn i beth.

Croesawyd Mr Davies i'r ysgol ddydd Llun (13eg Chwefror) gan Tony Brinsden, Cadeirydd y Cyngor, a Mrs Victoria Hart-Griffiths, y pennaeth, ynghyd â Ms Julie Jones, cadeirydd y llywodraethwyr.

Dywedodd Mrs Hart-Griffiths fod 95 y cant o ddisgyblion yr ysgol yn dod o gefndir di-Gymraeg, tra disgrifiodd Ms Jones ef fel "diwrnod hanesyddol" i addysg Gymraeg yn y cylch.

Cyn dadorchuddio plac, dywedodd Mr Davies ei fod yn ddiolchgar i'r Cyngor Sir am y gwaith a wnaeth ar addysg Gymraeg, gan ychwanegu bod Llywodraeth Cymru'n credu ei bod yn enedigaeth-fraint pob plentyn yng Nghymru i gael cyfle i siarad ac ysgrifennu'r iaith.

Yn ddiweddarach, aeth y Gweinidog ar daith drwy ystafelloedd dosbarth a chyfarfu â disgyblion ac athrawon.



Dyluniwyd Ysgol Hafan y Môr gan dîm dylunio mewnol y Cyngor Sir a gwnaed yr ailwampio gan Andrew Scott Limited.

Geiriadau

Llun 1 (uchod): yn y llun mae disgyblion Seren Stock, Sam Hughes, Evan Mackeen a Mabli Evans gyda'r plac ac Alun Davies AC, y Gweinidog (ail o'r chwith). Hefyd yn y llun mae Mrs Victoria Hart-Griffiths (chwith), y Cynghorydd Brinsden a Ms Julie Jones.

Llun 2 (canol): yn y llun mae Alun Davies AC, y Gweinidog, gyda Mairwen James, telynores 11 oed, ynghyd â Mrs Hart-Griffiths a'r Cynghorydd Brinsden.

Llun 3 (isod): yn y llun mae Mrs Alison Sullivan, Cynorthwy-ydd dysgu, gydag Alun Davies AC, y Gweinidog, yn nosbarth Blwyddyn 2. Hefyd yn y llun mae David Lloyd, Aelod Cabinet y Cyngor Sir dros Addysg, Jamie Adams Arweinydd y Cyngor, a'r Cynghorydd Brinsden.



